

حرية  
و لقمه عيش



الشعب  
يريد

موازنة  
عادية

حزب التحالف الشعبي الاشتراكي

الثورة ما تبقاش  
بصحيح  
إلا بالحرية ولقمة  
العيش مع بعض  
مش أي واحدة منهم  
لوحدها

تواصل معنا  
حزب

التحالف الشعبي الاشتراكي

المقرات

الرئيسي : ٧١ ش نوبار - باب اللوق - الدور الأول  
ت : ٠١٥١٩٤٠٤١٤٣ - ٠١٥١٩٤٠٤١٤٤  
القاهرة : مساكن الأوقاف أمام حي حدائق القبة -  
بلوك ٥ - شقة ٦  
الاسكندرية: ٨٩ ش ممفيس - الابراهيمية - الدور الأول  
شقة ٨  
الاسماعيلية: ٩٦ ش الثلاثيني - الدور الأول  
الدقهلية : ٥ ش صلاح سالم - برج خفاجي - الدور  
السادس

الموقع الإلكتروني <http://egyleftparty.org>  
أو الصفحة على الفيس بوك باسم «التحالف الشعبي»  
[www.facebook.com/popular.alliance.party](http://www.facebook.com/popular.alliance.party)

و الضرائب التصاعدية دي ليها اثار سلبية على  
الاقتصاد؟

الحقيقة دي كذبة كبيرة، توفير تعليم افضل وصحة  
افضل معناه مواطن اكثر انتاجية و بالتالي اقتصاد  
افضل على المدى البعيد، و في النهاية احنا مش جايبين  
الموضوع ده من دماغنا، معظم الدول الرأسمالية فيها  
النظام ده. في امريكا ٣٥% و في انجلترا ٤٠% و استراليا ٥٥%  
، عندنا في مصر ٢٥% اقصى حاجة

طيب مش الحكومة عملت نقشف و قللت العجز؟

عملت نقشف على طريقة مبارك، قللوا التعليم  
والصحة والمعاشات علشان مايخدوش قروض، وحافظوا  
على ميزانية الداخلية ومرتبات الكبار دون تغيير، وفوق

كده ٢,٥ مليار دعم  
صادرات هيروح  
لشركات القطاع  
الخاص.  
مش كان التعليم  
والصحة اولي  
كده النقشف ده على  
حساب الفقراء ويروح  
على جيوب الأغنياء



اول حاجة ممكن تخلينا نحس بالثورة  
هي موازنة ثورية تعيد توزيع ثروة  
الشعب لصالح الفقراء



## طيب هو مفيش تحسن عن النظام السابق

بشكل حقيقي لا، نسبة التعليم انخفضت من ١١.٤٪ الى ١٠.٥٪ و الصحة من ٤.٩٪ الى ٤.٧٪، ده غير لو قارنا الارقام دى بأى دول متقدمة حتى الدول الرأسمالية هنشوف الفرق، ١٨٪ من المصاريف الفيدرالية فى امريكا بتروح للصحة

## وهى الحكومة مش بتصرف على نفسها من اموالها

طبعا يعنى هتجيب فلوس منين! مرتبات الداخلية و مصاريف الامن العام و مكافآت الاستقبات والاحتفالات و سفر المسئولين و مكافآت المستشارين كل ده من الموازنة و الغريب ان البنود دى مقلتش عن عصر مبارك! يعنى مبارك كان عنده مليون و ٢٠٠ الف عسكري امن مركزي و جهاز امن دولة يعقلنا ويعذبنا، حكومة الثورة بتصرف على الداخلية ليه ٢٢.٧٩ مليار فى الموازنة الجديدة

## طيب ايه الحل فى الموازنة دى؟

الحل ان نعدل الميزان و يتحمل الأغنياء الجزء الاكبر من تمويل الموازنة و يستفيد الفقرا من خلال التعليم و الصحة و دعم رغيف العيش بعوائد الموازنة

## ازاي؟

نرض ضرائب تصاعدية على الدخل و على الارباح، و ضرائب على المضاربة فى البورصة و على تجارة الاراضى، و نحدد حد اقصى لدخل العاملين فى الدولة ميقاش مكافآت و بدلات على البحري، و تقلل الحكومة المصاريف الترفيعة من استقبات و سفر و عربيات الخ، ممكن الحكومة تستثمر جزء من الموازنة فى مشاريع استراتيجية و اعادة تأهيل القطاع العام الى ممكن عوائده ترجع لخزانة الدولة، ده غير استعادة الشركات الى اتخصصت برخص التراب


## طيب وبالنسبة طوازنة الحكومة الحالية

### اموازنة الحالية بنجيب الفلوس منين

زى حكومات مبارك معظم موارد الموازنة جاية من جيب الشعب، قناة السويس و البترول و الضرائب اللي بيدفعها القطاع العام او الموظفين و ضريبة المبيعات الى بيدفعها المواطن فى مقابل مشاركة قليلة من ضرائب القطاع الخاص، ده غير قروض البنك الدولى، اللي عايزنا نبيع باقى الاصول اللي تملكها الدولة او نعطيها للدائنين، يعنى حكومة تسيير الاعمال هترهن البلد و ايا كان شكل الحكومة التالية ملزمة باوامر صندوق النقد

## طيب و اموازنة بتصرف الفلوس على ايه

نسبة قليلة رايحة للتعليم و الصحة و غيرها من الخدمات الاجتماعية، و فى نفس الوقت فى دعم لرجال الاعمال من جيوبنا فى شكل دعم للصادرات و دعم للغاز و الكهرباء لمصانع الاسمنت و السيراميك و الاسمدة والحديد اللي بتلوث البيئة و كمان محتكرة السوق المصرى، يعنى نسبة قليلة للفقراء و نسبة محترمة للأغنياء



يعنى ايه

## اموازنة

خطة بتخطها الحكومة كل سنة، بتقول فيها هتجيب الفلوس منين و هتصرفها فين

## الحكومة المتنازة للفقراء:

هى الحكومة اللي تحط موازنة بتجيب الفلوس من الاغنياء و تصرفها على الفقراء

## الحكومة المتنازة للأغنياء:

هى الحكومة اللي تحط موازنة تجيب فلوس من الفقراء و تصرفها دعم لشركات و مصانع الأغنياء



## الضرائب التصاعدية:

نوع من الضرائب بيحمل الطبقات الاغنى بحمل اكبر من الضرائب، مثال لو واحد بيكسب ١٢ الف فى السنة يبقى عليه ١٠٪ و لو واحد بيكسب ١٠٠ الف فى السنة يبقى عليه ٢٥٪ و لو بيكسب ١٠ مليون فى السنة يبقى عليه ٣٠٪ وهكذا

## صندوق النقد الدولى

مؤسسة مالية دولية بتدى قروض للدول مقابل شروط معينة، الشروط دى دائما بتخدم مصالح الدول الكبرى و بتبقى على حساب الدول الفقيرة الى بتستلف

## التقشف

دى سياسة فى عمل الموازنة لما تبقى حكومة فقيرة وعايزة تخفض الفلوس اللي بتصرفها، فتلغى بعض المصاريف اللي مش ضرورية